

# PRIJEDLOG

Na osnovu člana 32. Statuta općine Velika Kladuša ("Službeni glasnik općine Velika Kladuša", broj: 12/11), a u skladu sa tačkom VI stav 1. podtačka 3. i 5. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine F BiH", broj: 4/12, 80/13 i 20/20), na prijedlog Službe za civilnu zaštitu (posredstvom Općinskog načelnika) za koji je pribavljeno mišljenje Općinskog štaba civilne zaštite, broj: 08-44-3096-1-2 /21 od 10. 11. 2020. godine, Općinsko vijeće na \_\_\_\_\_ sjednici, održanoj dana \_\_\_\_\_. 2021. godine, donosi

## ODLUKU

o korištenju sredstava posebne naknade za zaštitu od prirodnih i drugih nesreća  
– troškovi naknade za rad Komisije na procjeni štata

### Član 1.

Općinsko vijeće općine Velika Kladuša odobrava izdvajanje sredstava ostvarenih po osnovu posebne naknade za zaštitu od prirodnih i drugih nesreća, na ime izmirenja naknada za rad članovima Općinske komisije za procjenu šteta (redovni i privremeni saziv), u ukupnom – bruto iznosu od  $3.430,00 + 560,00 = 3.990,00$  KM.

### Član 2.

Za realizaciju ove Odluke zadužuju se Općinski načelnik, odnosno, Služba za finansije, računovodstvo i javne nabavke, u saradnji sa Službom za civilnu zaštitu.

### Član 3.

Ova Odluka stupa na snagu danom donošenja, a objavit će se u " Službenom glasniku općine Velika Kladuša".

OBRAĐIVAČ:  
Služba za civilnu zaštitu

PREDLAGAČ:  
Općinski načelnik

## OBRAZLOŽENJE

### PRAVNI OSNOV

Pravni osnov za donošenje ove Odluke nalazi se u odredbama iz člana 180. stav 6. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10), kao i tačke VI stav 1. podtačka 3. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine F BiH", broj: 4/12, 80/13 i 20/20), u kojima se kaže:

Sredstva posebne naknade koriste se za namjene iz člana 184. stav 1. tačka 6) Zakona o zaštiti i spašavanju, što podrazumijeva:

*„3) financiranje i isplatu naknade za rad Komisije za procjenu šteta od prirodnih i drugih nesreća u skladu sa odredbom člana 9. Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", br. 75/04, 38/06, 52/09, 56/09 i 36/14), u maksimalnom iznosu koji posebnim propisom utvrdi Vlada Federacije, vlada kantona i načelnik općine odnosno gradonačelnik“.*

Finasiranje ovih troškova bilo je utvrđeno i Planom korištenja sredstava ostvarenih po osnovu posebne naknade za zaštitu od prirodnih i drugih nesreća na području općine Velika Kladuša za 2020. godinu, broj: 08-11-889-3 /20 od 30. 10. 2020. godine.

### NADLEŽNOST

Nadležnost za donošenje ove Odluke definirana je u odredbama iz tačke VI stav 1. podtačka 5. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća, u kojoj se kaže:

*„O korištenju sredstava iz stava 1. podtačka 3) ove tačke, odlučuje Vlada Federacije Bosne i Hercegovine, vlada kantona, općinsko odnosno gradsko vijeće na prijedlog federalne, kantonalne, općinske, odnosno gradske komisije za procjenu šteta (indirekto organa civilne zaštite), uz pribavljeno mišljenje nadležnog štaba civilne zaštite“.*

### RAZLOG ZA DONOŠENJE OVE ODLUKE

U skladu sa odredbama Zaključka Općinskog načelnika, broj: 08-44-2369 719 od 19. 09. 2019. godine, o pravu na naknadu za rad u Komisiji za procjenu šteta od prirodnih i drugih nesreća, a nakon izvršene procjene istih za 23 prihvaćena zahtjeva građana (od strane redovne Komisije za procjenu) i 4 zahtjeva (od strane Komisija u privremenom sazivu), izvršen je obračun naknade za ukupno 27 zahtjeva (predmet).

Služba za civilnu zaštitu je izvršila analizu datih obračuna i utvrdila da je redovna Komisije izvršila procjenu po jednom zahtjevu koji nije bio u njenoj nadležnosti, zbog čega će iznos naknada za ovaj zahtjev istoj biti umanjen. U svim ostalim slučajevima Služba za CZ smatra opravdanim zahtjev za ukupni iznos bruto naknade, koji su pojedinačno za članove Komisije izraženi u brojkama 15+24+24+24+15 (redovni saziv), odnosno, 4+4+4+4 (privremeni saziv). Napominjemo da se nosiocima izrade Izvještaja obračunava dodatni iznos naknade.

Obradivač:  
Služba za civilnu zaštitu

Predlagač:  
OPĆINSKI NAČELNIK